

**1** Yanyu kuku ngulkurr, Jesusanka. Nyulu Godumu kangkal. **2** Ngadi-ngadiku Isayangka Godumu kuku balkan. Nyulu kabanba balkan, "Milka janay. Ngayu dingkar yungal yimbalji bamanda, yundu dunganjiku. Nyulu dingkarangka yunu baral ngulkurr-bungal. **3** Dingkar yirrkay-yirrkay bubungu jirrbujirrbungu, "Baral ngulkurr-bunga. Maja jirimun kankadayda. Baral junkayku balka." **4** John nguwimal milbijinda bubungu jirrbujirrbungu. Nyulu bama Godundumundu kukubu milka bakan. Nyulu yalaman, "Yurra jiba jurrkijika! Godungku yurranin dajinka, dayirrbunganka, ngulkurr-bunganka. Ngayu yurranin banabu dukul damal, bama wubulku milbinka, Godungku yurranin dajin, dayirrbungan, ngulkurr-bungan."